

Ola Manuia | Interim Pacific Health Plan

Iulai 2022–Iuni 2024

E ogatasi le Ola Manuia | Interim Pacific Health Plan ma le Te Pae Tata | Interim New Zealand Health Plan, o loo folasia ai se taatiaga o galuega faatino i le uluai lua tausaga e avea ma taiala mo le faapolokalameina o galuega faatino a le Te Whatu Ora e tusa ma le toefuataiina o le faiga faavae.

Ua saunia e le Ola Manuia faamatalaga auilili o le alafua a le Te Whatu Ora e faamalosia atili ai tulaga maloloina o tagata Pasifika ma faataunuu tulaga ua ave i ai le faamuamua a le Pacific Health.

Matou te iloa e lē o aogā le tele o vaega o le faiga faavae tau soifua maloloina mo tagata Pasifika, aiga, ngutuare tangata, famili, kāinga, magafaoa, kaiga, vuvale ma kaaiga ma tagata.

O galuega faatino o le a tatou faatinoa i le isi lua tausaga o sosoo ai o le a lagolagoina ai aiga Pasifika ma tagata i Niu Sila ia faatumauina le malosi i le tino, ma ia mafai e tagata Pasifika ona maua le tausiga o latou moomia, i nofoaga o moomia ai.

Na faavae tulaga ua ave i ai le faamuamua mo tulaga maloloina o tagata Pasifika mai lesona na maua mai le salalau ai o le faamai COVID-19 i le lalolagi, ma manatu na faaalua mai e tagata Pasifika.

FAAMUAMUA MO TULAGA MALOLOINA O TAGATA PASIFIKA

- Tina ma pepe
- Tamaiti ma tupulaga
- Tagata matutua
- Tagata sa'ilimalo | tagata e iai manaoga faapitoa
- Tulaga maloloina o le mafaufau ma le soifua manuia
- Faamai ua leva na faaletonu ai, e aofia ai le kanesa, ma'i suka, ma le gugu
- Tali atu i le faamai o salalau i le lalolagi, e aofia ai le tali atu i tulaga e lei aofia ma luitau mai le lua tausaga ua mavae atu

SINI AUTU

- Faavae se faiga faavae malosi e lagolagoina faamaumauga o tulaga maloloina o tagata Pasifika, ma tofā faafomai ma tofā loloto o le mamalu o le atunuu.
- Lagolago malosi le faatonuina e tagata Pasifika o le atinaega o auaunaga e taitai ai tagata Pasifika.
- Lagolago ma faatoateleina tagata faigaluega Pasifika malosi.
- Faalautele vaega o tulaga maloloina o faamuamua e tagata Pasifika.
- Tali atu i manaoga tau soifua maloloina mo tagata o ave i ai le faamuamua ma ia faanatinati le tali atu i mea e lei aofia na aliali i le vaitaimi na salalau ai le faamai i le lalolagi.

GALUEGA FAATINO

- Ia faaopoopo galuega i luga atu o se auivi aoao mo tagata Pasifika ma talatalaga mo i latou na fetaia'i ma tulaga o faatalanoaina.
- Faavae faamaumauga aoao malosi mo tagata Pasifika ma matafaioi aogā.
- Faavae se Pacific Clinical Network e fesootai ai vaega uma e lagolagosua ma faaoga ai tagata faigaluega faafomai Pasifika.
- Faatonu le faia o suesuega e lagolago ai le atinaega o alafua ua faamaonia le aogā ma faataitaiga e tali atu ai i vaega faafomai o ave i ai le faamuamua.
- Faamatuu atu punaoa i nofoaga tutotonu mo tagata Pasifika ina ia mafai e auunaga tau soifua maloloina mo tagata Pasifika ona galulue faatasi lotoifale ma le itumalo.
- Faavae faatasi faiga faapaaga ma auunaga Pasifika fou i nofoaga ua faatuputupulaia ai le toatele o tagata e lē o maua ai se auunaga faasoifua maloloina mo tagata Pasifika.
- Lagolago le faaauau o faiga fou tau tausiga na atiae i le vaitaimi na tali atu ai i le COVID-19.
- Faatupeina auunaga Pasifika o loo faatino tausiga e patino i aiga Pasifika ma e tuufaatasia ai uluai tausiga mo failele, uluai tausiga faasoifua maloloina, falemai ma auunaga tau agafesootai.
- Saunia konekarate faatuatuaina, e mafai ona fetuunai ma e faalagolago i taunuuga ma auunaga Pasifika ma e faavae i luga o manaoga ma faiga fou.
- Atiae se Pacific Health Workforce Development Strategy.
- Galulue ma matātā tau aoaoga e faailoa mea o faalavelavea ai aoaoga faasoifua maloloina Pasifika i totonu o kolisi ma aoga maualuga faaiunivesite ma aoaoga tau tomaj, ma vaifofo e tali atu ai.
- Faafaigaluega punaoa i faiga fou ma meafai e lagolagoina le atinaega o le agavaa ma le tomaj o le aufaigaluega i totonu o auunaga Pasifika faasoifua maloloina.
- Faavae se polokalame e lagolago le faia o aoaoga tau tomaj ma le faafaigaluega o tausimai faapitoa Pasifika.
- Sailiili avanoa e siitia ai le General Practice Education Programmes 1 ma le 2 i totonu o auunaga Pasifika.
- Saunia se ata faataitai e tuufaatasia ai tausiga o taulai i aiga Pasifika ua maua i le ma'i suka.
- Lagolago le faia pea o galuega i le matātā atoa e tuuititia ai faiga lē tutusa o le kanesa mo tagata ma aiga Pasifika.
- Galulue faatasi ma auunaga faaitumalo faasoifua maloloina i le pito i Matu, taitai faasoifua maloloina ma ausuesue e atiae se ata faataitai o tausiga o tulaga maloloina o le mafaufau mo tamaitai Pasifika.
- Lagolago auunaga Pasifika ia faailoa ma tali atu i manaoga faasoifua maloloina mo tagata o ave i ai le faamuamua.
- Faamautinoa le faamuamua o tagata ma aiga Pasifika i taumafaiga e toe tau amata ai tausiga ua fuafuaina talu mai le faamai na salalau i le lalolagi.
- Galulue faatasi ma auunaga faasoifua maloloina ma taitai o matātā e tali atu i tulaga maloloina e lei aofia ma manaoga o tamaitai Pasifika talu mai le faamai na salalau i le lalolagi.